

橘

洲

文

集

橘洲文集卷第四

詩

和史子由主簿食瓜

鄰翁種瓜時翠蔓不忍觸提携落吾手割裂亦甚酷
相如方渴時想見價金玉沉浮及桃李一世謾貂續
注泉挹甘寒落蒂驗香熟精神發良夜清坐定更僕
無使妨盤餐開端自醺醑

送王性之子仲言倅公赴泰州

代方客發

山陰故侯家受射幾世世袖有換鵝經父子固多藝
日高卧東床吾祖得佳壻春風鏡湖波一夜雨新霽

得句見眉睫鬱鬱正相似先秦多古書歲晚足奇字
盡載米家船長虹貫都市平章要風月幡然適千里
論士當及時鹽車有駉駉善護千金軀斯民望桃李
拳毛騧唐太宗所乘馬御墨親題其下

太宗自是人中龍黑闥未當鬼蜮雄穀城洛水龍自
若天遣此馬收全功歟然一擊雷電起智名勇功不
入耳身當矢石不忍嘶我寧飲血不飲水人間只作
拳毛看誰知忠義事所難歸來四海一家日錦茵却
覆黃金鞍萬金賴有不死藥御手摩挲箭痕落西風
頤影一長鳴身在天閑意沙漠驢驢在御臣的盧郭

家師子誠僕奴畫師畫肉不畫骨權奇無乃天之徒
寶墨淋漓三十六幾代流傳到華屋真人固在馬不
亡堪媿驚駘費君粟

賀李大著

巽巖之子字仁甫

眉山縣前江可憐昔人飲此俱成仙只今獨數蘇與
李豈伊親濯玻瓈川功名事業天所靳况復真宰持
其權先公用舍誠有道不愁軻後真無傳道山人物
今第一蒹葭玉樹猶依然東南弱水三萬里亦有跨
鶴來翩跹至人活國豈無術丹砂烏喙堪同年衆工
可笑不解事顛倒規矩求方圓向來資育嘗賈勇彼

東坡先生集卷之六
豈有力能回天公今已不負世學盡先鷗鷺高騰騫
翅閒惜取董狐筆父子相繼書凌煙

送孫季和知縣赴常熟

援琴不怕春風顛已許桃李同嫣然今人政自無此
手昔也子賤今琴川爭名固淺丈夫事公益走避如
雲煙其惟聖學本心授不敬莫大中無傳吾行敢後
天下士百年人物猶拳拳風流往往入詩笥經濟一
一歸民編板輿扶上醉鄉日竹溪便喚姑蘇船誰云
弱水不可到政成我是蓬萊仙

樓尚書生日

李大防

歲行丁巳生公年一周甲子初回旋壺中日月自長
久我身曾作蓬萊仙霓旌何爲下南國伊傳事業須
林泉曾中抱負五色石晴窗撫弄供磨泐古今成敗
幾頭緒酒澆不下仍橫咽援琴一鼓天地靜萬象起
舞加清圓新詩往往到紅葉門前流水人爭傳世間
樂事唯我有錦衣鶴髮同驪然天公有意誰得解功
名自古俱華顛鹽梅霖雨入吾手母子共醉春風前

張約齋生日

何年麒麟飛上天下眎平地爲秦川九關虎豹不敢
却爲作南渡中興年扶持斯文一鳴世金鐘大鏞方

在懸百年人物有如此舊山喬本今依然人言廣平
心鐵石梅花作賦猶清便爭如萬象落吾手顛倒拈
拈無留妍曉窗沉水旋和墨雜花落紙如雲煙問渠
少室果何事一笑粲發成眞傳春風正墮散花手亦
有舞雪相回旋願公道眼皎如日我欲以壽東家禪
病眼有作

短短秋簷合近書經旬看碧却成朱半生始識空花
面咫尺還應拄杖扶淚睫隕珠綠底事金篦刮膜未
全疎自憐老去元非病贏得工夫到物初

和陳進道教授後堂瀕水小閣扁曰浮家

市聲中斷屬河清。鷗鷺無情亦有情。不與狂瀾同泛
泛。故留明月作生生。一罇寧共彭宣醉。盡室肯容西
子行。不是主人風味薄。門前弱水即蓬瀛。

簡秋官

寂寞江郊只病身。故書時得想輪囷。無錢未暇招陶
令。有意何妨學孔賓。龍業披衣猶向佛。虎凶著帽更
何人。也知造物憐吾老。木槁灰寒得再春。

和張蒙山韻

老覺溪深杓柄長。舉頭三噫日無光。試尋西陌東阡
去。却得南窻北戶涼。好鳥關心渾是夢。明珠論斗不

勝量束書莫作癡兒事一辨先師未了香

題犀浦張震仲竹齋

窗明祇辨四時綠眼老何妨五車讀江湖商畧不盈
咫尺月露清滋慰吾獨淋漓舞茵不解醉顛倒飛花有
如屋竹外寒溪聞此盟束書一笑赴鴻鵠

呈胡舍人二首

東觀何如覆樹家絲絢歸踐故園沙靜知木鏡中人
物香識爐烟上鬢華儘有春風飛燕子豈無詩興到
梅花自憐老子歸來晚不得追隨八月槎

官閑無事只深禪齋戒何曾廢客烟總是老夫貪佛

日未妨天眼識公年江湖滿意藏詩笥鷗鳥無心傍
客船參井黃昏雲霧裏光明猶有一燈傳

次韻施伯才除夕

年來白髮爲誰新恰受愁邊五日春官燭吹花方作
夢東風卷地已無入今年有酒公須醉明日無孺子
莫嗔香案已催朝玉帝何如剪紙奏錢神

次楊綿州韻二首

夜潮明日潮東西故國征鴻各自歸白璧一雙唯我
在行年六十似公希人生自是專城貴道眼何曾與
世違賸種春風付桃李等閑人共惜芳菲

我自吳頭楚尾來射士一見故相猜文書已作牛腰束閭闔仍須燕尾開江近危樓才咫尺眼懸落日殆千回名成莫訴歸來早要學峨眉翠作堆

古城蘭若有竹數百道人築牆而踈逖之十有九居于外或以淨香名之取少陵雨洗娟娟淨之語殆少吾此君也故以此意爲出一語贈之

豈無四海老兄弟恐墮春風年少名晴簷甫見天白面夜雨共傳笙筑聲淋漓素壁江國在參錯拂衣花鳥驚汝亦群龍護持一此中十字有堅城

和李磐庵雨中見寄

茅簷何意作秋聲，未放東風入紫荆。
短褐不眠成永夜，寒更數盡到諸兄。
早知廉蔺今猶在，自許夔龍意甚明。
世路崎嶇吾已了，一奩風篆爲誰平。

和張寺簿功夫得祠

碧海鯨魚快一逢，不爲夜雨泣秋蟲。
神交已極天人際，玉立仍餘國士風。
故壘山川成舊恨，今年桃李著新功。
却應神取經綸手，留待君主復沛豐。

又自官舍夢歸南湖

夢中身世亦間關，覺後懸知去不難。
陶令歸來猶有

酒子雲老去不遷官時供採擷花千樹醉共圍藥竹
萬竿想見春風更啼鳥沉香庭院不勝寒

又和丐祠未報

黃金羈勒闕天閑何似春山肯宿閒白接羅邊餘甕
蟻烏皮几外即塵闌龍蛇大澤公真是虎豹重門孰
可攀示不忘君還有道卧聽人語赴朝班

又和病中遣懷

聞公多病正緣詩酷似梅花太瘦時故憶主人鷗去
近尚留賓客鶴歸遲把麾定復追蘇子鼓瑟無因見
孺悲已辦扁舟輕似葉明年真到習家池

又和歸南湖喜成

吏退文書苦未醒，湖光噴面適全輕。
風從北戶來披拂，鵲傍南枝管送迎。
許我杖梨來宿昔，觀公詩律自前生。
藝蘭九畹辛夷百，續取離騷更老成。

用山谷題借景軒賦史簿清蔭

竹君如余子，琴張友此百。
士庸可傷聽，渠風雨夜深。
語撼我窻几，無邊涼起來。
顛倒急穿襪，直恐吾盧變。
林樾却煩清影過，牆來已約姪娥惜明月。

嘗拉壽居仁訪青山，性老是日小舟抗斷
港。進退不能幾，至興盡薄莫叩關少慰寂。

寥之嘆居仁有詩次韻以謝

祇知春在浴鳬行杯水才堪一芥航拊髀最宜歌歎
乃倚舷唯聽夢悠颺已愁落日低千嶂欲見清風闕
一堂搔掌劇談吾浪語君如網目有條網

上劉左史二首

鄴下家聲晚更高南朝徐庾總兒曹向來霖雨無雙
手多在秋風一二毛舌本旋澆甘露碗詞鋒久淬鸞
鵲膏已知造物叮嚀意鳴鶴如今在九臯

不爲窮愁始著書一燈今與影同孤從公亟欲聞奇
字隨世無因識故吾賴有霜鐘當北道不應璧月自

西湖舉頭更覺天人近，環珮聲中試一呼。

十一月二十八日大雪有感 時孝宗閣度日

動地飛花變鶴林，天低直欲近牆陰。共知一飽明年事，誰識三號此日心。東望眼穿秦望白，西湖淚入鏡湖深。無邊真宰淒涼意，祇此淒涼直萬金。

送林擇之至五夫

不學相如故倦游，身唯晏子一狐裘。眼明自可空群衆，筆健何妨力萬牛。許我春風還帝所，多君雪浪轉船頭。愛山堂下平生夢，試問梅花可忍不。

題張以道現庵新成

春風窻戶雨初乾，恰愛南湖一鏡寬。
倒影絕憐飛觀近，鳴榔不入莫濤寒。
吾伊聲斷聞鷗下，舴艋舟輕喚客難。
題作現庵真現否，憑公爲問約齋看。

和汪仲嘉尚書寄樓攻媿尚書韻

明白征帆取次飛，何人解識箭鋒機。
回瞻北闕君恩重，莫遣西風酒力微。
早爲漢庭歸籲俊，未妨周易去研幾。
適齋老去詩猶健，聞道行歌晝錦歸。

病卧岳林有懷諸公

庭樹無風夜沈寥，毗耶室裏霍票姚。
自知示病非天授，不必觀身已意消。
夢裏忽逢三語掾，江頭又報五

更潮歸來莫誚人癡絕。誤了諸君楚些招。

和紅梅

此花不是施朱手。醉裏何妨取次開。地近恐遭繁杏
污。月明先遣暗香來。爲君繞樹須千匝。老我逢春復
幾回。詩到揚州定清絕。向來安得比傳杯。

古梅

却盡欽華固自奇。更憐鬚髮傲霜姿。百年可敬春風
面。四老仍扶漢惠時。頽影不知身嫵媚。嗅香全覺我
支離。殷勤爲注銅瓶水。青子纍纍定著枝。

送史同叔赴宮教

便催絳帳入王扉肯落先公第二機一鷄未嘗悲薦
口諸生今始識搢衣寬如北海何妨醉清似西湖不
解肥但得家聲振金玉萬釘何必問腰圍

送史固叔通判過雪川

莫嫌畫鷁北風曠茗書溪聲解喚人一日便挾千日
醉十分留得九分春匣琴書卷先行李虹星車旆委
後塵風指歸來頃及早滿城桃李正芳新

和趙介夫除夜

北帝潛驅又拜鞭那堪風物更凋年此身蕩滯隨流
水造物炮烹及小鮮自喜罇罍同盎盎誰能幡勝更

田田諸君此夕須千首老子今唯十九篇

和史子美知丞月臺

乞得更壽一夜寬傍簷唯有斗闌干須臾銀闕從空
下想象冰輪不自寒迫近天人無浪語却回歌吹有
餘歡祇應王謝風流後合作蓬萊第一看

和月林清玩墨

誰識阜陵天上物亦從潘李乞刀圭半規肯博千金
璧四海仍傳一角犀栢葉春齊初養鷹髯松歲晚復
然臍直須數子成家日是我涪溪得再題

和某

意適何曾較疾違，戰酣夜漏繼朝暉。驪山信有無雙手，野老寧知第一機。靜等魚龍潛夜壑，迅如鷹隼擊秋圍。春風過盡花無數，我固無因客亦非。

題智門宣弟不繫舟

改著青山盡底圍，直疑挂起片帆飛。好風忽送潮聲近，啼鳥相呼樹影歸。老去六窗誰是伴，頽然一几自忘機。我初不作京華夢，分取松枝對客揮。

謝駁撰挽詞代人二首

自蔡

政自淵源出，聲連海嶽清。固應身列宿，何意晚專城。一代稱遺直，諸公畏老成。棠陰幾人淚，端復爲誰傾。

盛德真無愧，吾生亦有涯。千金故人壽，兩部習池蛙。
磊落思前輩，交游念故家。新阡在何許，目斷暮雲遮。
史太師不覲，賜帶以不知官高卑，玉帶懸

金魚爲韻寄呈十首

澗壑千歲資，風聲萬牛吼。春江穀紋面，一笑可忍不。
老不數汲黯，吾寧師子思。黃金復加璧，勿遣虞人知。
人生易與耳，一飯當何欄。婦蠶子耕耨，辛苦輸縣官。
脩泉汲短綆，太山寄秋豪。赤松未必爾，勇去還渠高。
鴻飛在天末，弓繳不可施。官池稻粱夢，鷗近鴛鴦卑。
西湖舊時波，夜雨改新綠。子規啼到明，飛去雲屬玉。

東家熟黃梁西家夢飛蓋起來試捫腹閱人莫如帶
冠以新故愛履以弊故拾鎔銖在人手吾衡亦徒懸
何年倦霖雨言田亦公心一犁不入土無因致千金
彌明晚不遜不解世俗書鄰翁十升水公無察淵魚
劇暑戲成

風怒欲翻屋汗香仍浹膚物方矜外武吾獨畏中枯
壁月團霜簟湘波浸竹鋪爲君拚一飲滿意說江湖
倦夜再用前韻

飢鼠方吟屋飛蚊已噴膚稍虛燈火讀徑作壁魚枯
闌戶從風入移床就月鋪曉鐘殘暑破依約在西湖

畫石菖蒲

太湖與鴈蕩相去二千里六月吾几間風雨一彈指
畫石與蘭

石怒不近人國香爾何有我以道眼觀無心得相守
畫水仙梅山樊

生香故觸人異質偶同調喚作黃家花弟兄一語妙
元暉山水

孤雲起木末翠岫插天半一窗明暗中乃有此遐觀
吳知府挽詩三首

妙年聲落落晚歲陳堂堂政出諸公右吾寧一老傍

園林春婉婉墳土沒淒涼孝友無餘事新詩入錦囊
小試牛刀在長驅馬足遲此生空抱負真率孰維持
道並湖山重民深雨露思何當十圍腹重作北窓期
千里頻年別人來數寄書舊題紅葉處猶記白頭初
難露危如此庭蘭賦有餘摩挲東望眼歸泣向吾廬
題壽居仁遠浦歸帆

築室江南欲盡頭故將沙尾繫行舟如何落自蒼茫
外一幅西風去不取

和胡仲方攝縣喜雨三首

雨入黃梅故弄晴群龍須我一投誠此無盡藏君爲

主大貝明珠我得傾

群農已作觸藩羊人語車聲日夜忙
膚寸出雲從北海十分好句屬南昌

罷琴聽我一言田民物如苗吏草然
中有豐年無限意何須矯首問雲天

送隱上人還玉峯二首

故山爲我小遲留楓落吳江冷
不收歸去不知身是夢青燈相對說它州

西風已挂沐猴冠人語溪聲亦少寬
家有如山牛糞火爲君煨栗勸加餐

出郭聞百舌

故園何事最關春，百舌枝頭狎衆禽。
料得萬花渾不睡，聽渠說盡落星心。

有懷山行

慣識春山第幾巖，甜飴祇今病枕亦難堪。
杖梨夢入僧窗去，鉢飽茶香最可憐。

艤舟南渡有懷

荏得潮生已夕陽，藥爐無火正淒涼。
傍人笑指黃金骨，夜半應須解放光。

郊外即事

春水人家綠繞門晚風榆柳自村村一聲牛背烏鹽
角鐵作行人也斷魂

寒食

梨花吹雪渡清明天亦那知倦客情一院春寒無著
處黃鸝欲訴不成聲

墨梅

此花黑瘦固應爾用盡隴月溪雲心鄰家羌笛莫生
事春在洞房深更深

送于制幹二首

陰陽家

十年閑讀古人書不爲山川貨可居便有風聲生夜

齒王侯同在丘墟

一笑無煩論古今就中首肯即吾真君今正與司南
令直指何曾更問人

次韻孫季和知縣游西湖

何人熨冰紉弄趁春晝晴東風有底急不容穀紋平
堤回柳陰直鷗鷺時合併無端擢譴發驚飛度微明
山固以畫勝湖應以詩鳴雲烟小潤色草木同欣榮
憶昔二妙俱中有五字我打門看脩竹拄杖時一橫
鱗差幾飛觀幽花亦多情老眼眩金碧何年費經營
應憐處士家鶴亦大瘦生臨風一長嘯荒田絕人耕

送樓尚書改魏

九關何爲眎荒荒，鸛鷺不汝爲津梁。剛風一上九萬里，我豈無因來帝旁。君看玉皇香案上，臣有抹月批雲章。春秋自與易表裏，九師三傳俱亡羊。人言夫子身九尺，我謂椽筆聊相當。斯文豈不妙一世，如御琴瑟思更張。太夫人今八十六，百拜上賜千秋觴。朱旛早蓋映華髮，鼓舞萬籟爲笙簧。如聞民病思藥石，可忍歲飢無稻粱。行行不待勤報政，會有詔書來未央。送松上人西歸兼呈去使隱君子及其家賢子姪致馳仰之意去使方舟之子松其

姪

白雲二十七倒踏楊歧驢相當子歲年九轆千乘車
佛法全盛日南方即吾廬後來鑿空輩一一人爲徒
誠負苦遠遊苦鞍費無餘百飢僅一飽抱病幾亡軀
是病何所起爲藥當何須不如速歸休問津於故吾
方舟有家學放光照西都寄聲爲多謝勿謂今無書
我有舊時月夜夜來東吳

送燈老住翠山

我家凌雲君蔣城古佛小大猶弟兄我癡如佛君甚
武一日放光來四明人皆謂君佛出世趺坐說法如

雷霆翠山自古龍象窟春風十里開林垌鐘聲况近
王謝宅一見爲君須眼青全提佛祖末後句無敗吾
事由叮嚀扶搖直上九萬里頃刻變化搏青冥

簡史子由主簿時在象山曉行海濱視海
山煙雲籠絡有若圖畫因成七言以呈聊

同一笑

曉行雲海意蒼茫畫入王維鴻鴈行烟樹屏山分遠
近風颿沙鳥認微茫筆端應有鮫人淚句法仍搜墨
客腸日暮歸來欣有得眼空當不數瀟湘

王大卿挽詞三首

白壁連城重，黃金百鍊剛。固應須潤色，肯爲世低昂。
議論傾餘子，聲名徹上方。馮唐元未老，歸計已包桑。
少日佳公子，中年古吏師。霜嚴公事畢，韻勝客杯遲。
詩律曹劉上，心期籍湜知。用公渾不盡，一世有餘悲。
出處誠吾事，園林正及時。乾坤身老大，兄弟日追隨。
生死真譚笑，過逢類別離。小樓今夜月，照我淚雙垂。

丹丘春夜感懷

雨歇花梢月正明，一川渾是杜鵑聲。此身漂泊知何處，蝶與莊周夢不成。

和史太師蝸室三首

帳暖窗寒，不願餘一床。翻覆舊時書，寸鱗尺漬尋常。
水老子而今非故魚。

伊雒閒人，晚自賢等將。身世付，累筌春風猶有耆英。
會未必飢餐困即眠。

卧聽花數寶篆，灰坐看野馬與塵埃。有時笑入碁聲。
去千騎雷奔輓不回。

橘洲文集卷四

橘洲文集卷第四

橘洲文集卷第五

記

蘭坡記

蘭有國香人服媚之此君子之事也予既滋蘭之九
畹兮樹蕙之百畝此騷人之事也蘭生深林不爲無
久而不芳此牧豎樵蘇得以凌厲摧折予故以屬野
老之事也蘭一而已用於國羅於戶庭根於山林無
往而不極其妍從昔五穀大夫之賢有所不如也蘭
亦何有也載於傳歌於詩取於離騷無實而不副其
華雖子雲相如之工有所不及也蘭可貴尚也可以

僕辛夷而旦杜若鞭策江籬靡蕪無賢與愚皆知其
爲清麗發越方蕙風旭日之旦泛然密光郁然清芬
如從游夏輩出入乎道德文章之林也蘭有一莖而
一花者凡綠葉紫莖素枝皆其昆弟朋友族屬亦有一
莖而數花者楚人謂之蕙皆能全沉澁之正亡雪
霜之辨後先憑藉於春皆此宗也余將爲佩爲帶爲
車爲屋爲舟爲漿返靈均之憂思而與羲皇上人容
與於造物無窮之鄉豈不休甚仲開學佛者以蘭坡
自名所居藝蘭屋壁畫蘭猶以爲未也將買山百畝
蒔松竹以印歲寒其下種蘭如春畦蔬如夏插秧日

夕見蘭起居友蘭庶幾與蘭同薰也余聞古人不三宿桑下以閑其住著視身如墮既廢井無一毫顧戀意道人不當厚於蘭雖然蘭無聲色以移人而臭味亦復近道況根塵鼻觀皆可以發吾機也從是而入道焉蘭何負於余仲開宜勉焉

焦山延壽堂記

叢林老病菟裘之地也百丈闕此初爲延壽堂床敷厚溫牖戶寬爽供給使令左右畢出惟少與健者不得而與也自都城下京口兩峯屹立波面所謂山圍屋者焦山也山故海窟世世皆有道者尸之四方鼎

來如水雲合。今住山朴菴性公赴太守待制陳公之招周旋逾年。眎山之壽老堂自靖康至今多歷年所。屋有震風凌雨之患。過者未嘗問焉。公於是命執事相與經營輪奐一新。老者居之如入寶所。病者得之如飲良藥。有來觀者。心目適悅。朴菴曰。吾道蓋是也。使余撾鼓掉舌。號令佛祖。指擬人天。而老病有時乎不聞。今此堂朝明夕昏。夏涼冬煖。木章竹箇皆代余說法。所得與法喜禪悅等。堂不壯哉。朴菴書來屬余記之。因書以爲記。

雪牕記

樓漢卿新闢雪牕以書走橘洲曰吾作雪牕將藏書
數千卷日與昆弟朋友究觀講解以澡雪肺肝以滌
平生舉子之塵子爲我記之予曰夫山川出雲三時
所以爲雨雨不至則爲虐過則爲滌其雨於冬則翻
然爲雪雪先集爲霰既至爲雪雪片六出大者如掌
細者爲鵝衣或以爲鹽又以爲絮飛舞零亂時有近
人意左丘明書平地尺爲大雪蓋南方堆積戶庭幾
月不釋北方到簷至有折膠墮指之凍詩云雨雪瀟
瀟見明曰消是各誌其畧也雪何自而有也謂之天
巧則不然正隆冬秘藏陽固而陰泄雪亦雨也雨自

天降以陰乘之。憑虛而始凝。故數止於六。理實然也。
方疎疎密密。葉間有聲。童穉婆娑。農婦農夫。舉手交
慶。桑疇麥壠。沃衍千里。詩人墨客。陽春白雪。歌臺舞
榭。酒壚茶竈。相與用事。此雪所以爲瑞也。雪固如是。
而書亦有是哉。聖人之道。循環於無端。故能一而
行。四時豈有終極。唐虞春也。夏商周夏也。秦漢迄唐。
秋也。老聃列禦寇莊周之徒。冬也。聖人與天地準。雖
堯舜未嘗無殺。三代刑賞並用。猶能以忠厚主之。後
世大德下衰。治亂興廢。各因其君之賢不肖。生民之
患深矣。三子者。洞眎本末。發爲道德之言。使民復返。

其初自是而至堯舜豈不偉甚吾故以沛澤爲雨歛
藏爲雪下而至於諸子百家稗官小說得一而失一
舉皆墮吾目中雪窓中人當作是觀也昔人讀書貧
無以繼夜至有聚螢積雪者漢卿亦未至於斯以雪
爲名以書爲實當使實浮於名可也盛世之瑞予切
有望焉

四明章聖如來像記

吾心即佛心也佛心一故雖千萬億佛相好則同而
人有以紫金光聚目之特其粗也視得佛心者惟大
菩薩爲然聲聞則能脫畧生死出入變化不測其於

佛心則有閒矣故美惡豐頤畧與人同左丘明謂人心之不同猶其面焉亦是理也吾佛則智慧海也功德山也摩頂至踵皆光明所流出故有天人駿奔龍鬼禦侮其道則不可得而名言也後世學者神而明之思見其師而不可得故嚴其像以事之如吾廬之有祖考焉非爲徼福也世人之具佛心者皆不言而化不約而成或謂匹夫匹婦不難於簣鼓橐籥之至疾痛死生有不容僞者奚爲呼佛而呼父母也佛猶穀稼也井泉也凡天地所生血氣所使鮮莫不飲食也有以飲食爲傷生害久者非愚則狂而已吾尚何

言章聖古道場有唐開寶中嘗命天合韶國師之子
慶光主之光即曹溪十一世孫叢社之興已基於此
至國朝乾道丙戌仍復舊律爲禪其間興廢相尋又
子相襲蓋不數也獨數十方住持自從本以還其次
法平其次智玻又其次法瑄今爲四世矣後先所立
皆百丈成法重以土木堅好可支數世皇子魏王臨
鎮此邦之日爲聞禮部異時佛魔反覆之論至是屹
然如山故祠以祝之瑄能忍可安輯其徒可謂至矣
院舊有殿守約所建法輪堂中智玻易之法瑄像之
有修職郎小溪朱昌旦捐金於我合塑釋迦文佛文

殊普賢飲光慶喜及二夫像九七軀靚妙端嚴無異
祇園說法時也童溪信士崔子賢舉家瞻仰歎未曾
有投誠繪像者半復自踴躍願謂定光二比丘法目
行誨者曰靈山一席非我與子而誰日汚然之繪
像亦二餘夫即我所成也噫像設之來尚矣自大迦
葉嘗於過去佛世修補蓮華座佛像塗以金世世身
金色光謂之金色頭陀拈花破顏即此老也瑄嗣其
法者法固如是而事亦當然世衰道微人益媮薄日
去聖賢遠其曾不知舜人也佛亦人也非有四目八
臂以驚世取譽舜可爲佛而獨佛不可爲舜哉古之

人心同道同而教不同其要不過使人遷善遠罪自是而至於佛猶一屈信之間佛者識之舜則有家法也瑄以佛事之盛求記於予予方愍此寂寥故不得而默淳熙十五年仲冬初吉橘洲寶曇記

台州白塔寺三目觀音記

三目觀音者即楞嚴八萬四千清淨寶目之所宗也大士從聞思修入三摩地聞即聞自心也思即思所聞也聞盡思復無虛空無實際唯吾一觀世音此觀世音與未見先佛時後觀世音特無有異謂之如幻三昧以如幻智作如幻事上至諸佛下及衆生雖木

異山靈蠢蠕肖翹應以此身得度者悉現其身而度脫之此保壽所刻觀世音即菩薩自謂聞熏聞修無作妙力之明驗也國朝天聖中有木浮於海隨波上下遇客舟傾險則往往近人人或憑依遂脫鯨魚之腹如是累歲不以爲異一旦逆潮而上泊院之址病涉者輒航以濟流而復還沙門惟諒旣濟異之莫知果何木也舉而曝諸祠下若雲蒸霧縈邦人聚觀髣髴似人而服冠髻者是又有光如月燭院之浮圖諒知其不凡炷香乞靈祈爲菩薩像匠石傍睨若有相之心與手忘斧斤一施衆相具足秋豪無取於它木

最爲吉祥。諒集沙門而落之。屬方凝睇中。菩薩廣額。聞裂開一目。如梵書伊字。不並不別。不衡不從。加以纖長端如世青蓮華。靖妙莊嚴。不可名狀。寰海內外聞者來賀。自是三目觀世音像。夷夏具瞻。水旱歲時有叩輒應。雖鐘聲谷響不足。以喻宣和二年冬。睦州寇方臘嘯聚山谷。群行犯城邑。所在徭禦賊用人。於鬼血以釁鼓。烈焰熾然。朝議大夫李公通守是邦。聞三目觀音靈感著明。即與太守趙公命像設於堂。合郡僧誦密語致禱。呻吟動天地。頓首不置。祈爲斯民福。明年春賊圍城。城中危急。其若蹈水火。斯須不可。

活公危坐誦菩薩，一出入息不知幾何聲。時有小吏朱棠屬公，隸夜夢一媼貧窶，至骨臂一盤以詣公堂。甯倚而呼棠曰：「公安在？」棠曰：「方保障後山。」媼曰：「爲我語公，無恐。昨日賊當潰去。」棠覺以告公，公喜曰：「此菩薩告我也。」援兵未及至而賊無故奔潰。果如媼言。夏四月，賊再臨城，公於菩薩益拳拳不復。賊慮城得以全，朝廷以公有顏平原之功而無顏平原之禍，即命公直秘閣，賜紫金魚袋，就以軍州事付之。丹丘之民視公爲父母，至今祠之。於戲，公之心即菩薩之心也。嘗謂一人之身具兩臂兩目，已不勝其用，施之二四

則必爲己憂況八萬四千不翅毛髮之多其爲顛倒
脫畧明矣余蓋以是權衡成佛之本不越此剎那間
此一剎那即菩薩證極聞思修慧之時也三慧圓極
三德圓成三苦斷除亦菩薩三目頓開之意也經不
云乎非唯觀世音我亦從中證豈公之謂歟後七十
有二年公之曾孫通直郎直柔來倅是州適繼公職
寺僧有以舊記未刊來白公者文字舛陋唯顛末尚
存公愴然復命記之亦太士與先秘閣公之意也年
月日橘洲老僧記

雲龍院記

祠諸水濱利病與水相關也凡飲食必祭鐘鼓必禱
皆斯民之爲也民方耕耨於水水實司其命東海之
側魚龍噴毒成霧其賊著人其水不可用輒生物
槁死故嘗用之於湖湖大以豐七鄉之田仰足於是
是故湖有堰堰有港港行如篆如絡脉如蛇穿龜見
於江之腹背遇與江會則碇以縱水以免夏秋淫潦
漲怒之虞以閑晝夜官潮犇突之患是不可一日無
碇也碇有屋自熙寧邑簿黃君宇始屋有僧自黃君
所命守賢始賢事佛如律施人多歸之廣其屋爲若
千楹以安龍之靈以臻集其徒侶水旱有禱禱輒立

應民寶鑒之建炎兵亂湔湔公私掃地赤立而此巋然在虛燭一夕而火豈非數歟祖文師者手拾瓦礫縛數椽於獺獺狐鼠之場屋山危如可憐也有中益道光者銖積寸累僅成寶坊光沒以授其門人推次蟬聯謂之甲乙了達是也達佩其師之囑惴惴焉惟恐不得一扁伽藍爲深恨太傅大丞相魏國史公載立諸朝達抱文書叩公以請公曰此新令也不許達請堅甚公哀其誠爲索臨安得雲龍廢佛祠以額異之故荻埭硤寮今爲雲龍新刹刹宜有記達聞予在公之綠野焉書其事以侈公賜余聞事之在天下也

默與道相終始視一世無有特起之事也事有本末
有小大古之君子一執其本如藝尺寸之木於千仞
之丘植根既深得地亦固風雨霜露傲睨凌轢吾親
見其不拔矣知後日之百圍千尺勢所當然若區區
日計其有餘月憂其不足則吾未見其末也本將如
之何昔人湖以溉田碶以防海固操其本矣而賢又
屋以爲刹子又傳孫事雖不同有能憂國如家如賢
與昔人均此心也達傳天台教嗣前白蓮戒應師演
說有源檀越徐氏施膏腴二十畝爲茲山有田之始
皆一時勝事故爲之書年月日竹院老衲記

澹齋記

君實以澹名齋余固知其說也世人嗜好汨其外思慮賊其中吾方泊然洗心於澹將以壽斯文於一世也故余得以申之夫人必於山巔水涯澗谷林莽鷗鷺依狎之所吟嘯烟雲草木之所變態晴耕雨耘漁引樵唱逃人而後爲得吾知其倦而歸非澹也有以便齋曲机琴書橫列茶煙篆縷賓主燕嘯窮天地事物之理論古今得喪成敗與君臣父子相生養輔佐之道辨性命道德文章禮樂之旨劇談而後爲得吾知其虛而歸非澹也彼聖人者以道聘諸國因於衛

辱於宋厄於陳蔡然後歸而刪詩定書繫周易作春秋其心嘗與堯舜禹湯文武游於廣大寬閑之鄉如張鈞夫如奏韶濩非濬歟有顏氏子者簞食瓢飲以聖人爲師故夫子有吾與回言終日不違如愚之詞其於壽夭死生則若嗜艾與昌歎非濬歟下而至於曾子子思自一唯而至中庸太明聖傳如五穀養人而無膾炙如太羹元酒而無和具非濬歟雖然天資有淺深聞道有廣狹自吾登高臨深而至燕處休暇以曾子子思而爲橐籥爐鞴千煅萬煉而之孔顏譬如精金最後入火無復一毫之失此余所以望濬齋

之意澹齋嘗習經傳矣晚讀老子書今方壯齡負先
大夫閎闊之寄將游宦於世余恐其流爲枯槁澹泊
故以聖賢事業而發明之以爲君實澹齋記君實名
某宗室之賢者云年月日橘洲老衲記

菊泉記

在禮季秋之月菊有黃花在易井九五井冽寒泉食
此天地草木之有恒德君子以壽其親也菊泉居士
藝德於密如古良將無智名無勇功一子擢魏科一
子方興而未艾殆天相之也居士如原憲之貧蒹葭
窮閭處之若廣宮大厦性與泉石會雖在郭郭必鑿

井而居四明土無三尺餘泉輒甃沸而出二子遶泉
蒔菊數百本以供燕游居士飲泉而餐菊英齒髮堅
好家有書千卷手自翻覆已爲殘編斷簡矣而精神
華滋沉浸涵育淵然有光居士不以治世而以治身
不以正人而以正心也心術之妙古人論之甚至心
至虛也何術生焉自吾有以蔽之而後天隱而人顯
所謂邪正真僞之辨是非賢否之別從此分矣是故
君子任道而不任術恐其爲小人之歸王公何苦爲
之居士乃自信若此必有能辨之者余嘗考神農氏
之說見南陽酈縣有泉而甘泉上皆生菊花花墮水

中多歷年所故泉味爲變居民飲此無不壽考菊泉
殆類是歟居士姓某名某二子某爲此說者蜀僧某
洞山真田記

言田其佛之末世歟佛太聖人碩方食時即與其徒
人持一盂詣舍衛木城饜飽而歸趺坐宴如也佛滅
度已比丘猶有過午不食得道者亦稱是數世之後
道人始有厭聽鐘鼓之患矣雖然法固顛仆而世亦
如之異時以黃金爲泥塗眎太貝明珠爲瓦礫者豈
復有也諺曰河滿則井盈河竭矣井烏有哉吾之田
亦豈得已也洞山古刹昔嘗飯千指而不煩一犁得

非以繼爲田以施爲兩乎歲時變遷主者勤動曾莫
支一歲之食有先住持正昇者築並湖之田一十畝
智朋者初淨土院亦售田若干惠球用力甚勤一豪
之施亦等心受之不爲薄厚欣戚意勸人禮拜什伯
爲伍人輟數十錢與之遇施之豐不過木一章薪一
輿貿易爲田之助太丞相魏國史公揮金成就後先
所賞幾一頃於戲亦可謂盛矣住山思覺道俗緣勝
內外無異詞師資同出魏公之門球固德之而覺亦
賴球也譬若一人之身肘股相衛奚事而不濟哉若
夫巖栖林壑之幽土深而泉冽則有昔人之勝游在

余不得而記之。以俟來者。年月日竹院老衲記。

石橋記

士之抱負奇偉而方軛於用。大處事物之際。如御琴瑟。必更張以自怡。余嘗以是閱人而亦以自信。吾弟可宣住山五年矣。不動聲氣。而昔人聚墨之室。燁然有光。嘗苦出門與牛羊鹿豕爭道。遂裂徑松之半。鑿而爲池。泉池並深。萬峯低昂。若撫其影。又築亭池上。爲橋與亭通行。人往來晦明變化。如在西湖清鏡中。也。先是頭陀某人。幹夾道之牆。而堊漫之。至是則天矯如兩白虹。下飲於池矣。宣自扁爲石橋。謂此有趙

州南有天台皆聖賢所棲止吾意諗公之視五百大
士猶淮陰之與噲等伍也宣與石橋當此自傳山亦
因人當自此重雖無余文可也池廣若干丈輪半之
亭與橋若干楹用工於紹熙庚戌之秋落成於其冬
十二月宣漢嘉人出世常樂其設施未究一二云又
明年四月記

雪竇普門莊記

斷崖飛瀑江浙皆有之列禦寇之言戴呂梁懸水三
千仞是宋魯之郊未嘗無此偉觀也唯茲山得以名
天下豈非其人哉故吾雲門三世孫明覺顯公碩大

光明是能與山爲不磨也。山古龍象宅，竟明覺之世。
世嘗有，人四方雲徻，不下二千指。僕僕走檀施，以足
農夫之耕，僅可支一歲執事者，其危如幕燕。比丘蘊
信奮然矜之，嘗撫其床，以語人曰：孰勤勞？是孰宴安？
是已而摩其喙曰：所不能飽者，有如吮即起行海濱，
規塗泥，以爲田，竟終不免蛟龍之怒。訖歲，惕日至，老
無成功，遭迥餘年一至。江介有楮君者，越之餘姚人，
也。聞比丘自山中來，延至戶，客未及語，而主人之
田已心許之。夜分更僕論齊年之交，旦日與之行田。
人牛屋廬舟楫，未藉無不畢具。歸袖袂釋，而公私券

疏鼎來比丘蓋張本於斯馳驅十年止明越東西州而化事畢奏爲田五百畝斛米如乏爲屋一區小大二十楹倉廩出納在是凡器用一切堅好中塑補陀木士爲善才咨參像結歲晚香火之盟實住持雪菴瑾公勸發之足菴監公捐法施振成之雪林彥公克終之太師魏國史公本末護持之於戲盛哉嘗論古今人事之不同物亦異態雖山川草木亦有時而盡至於雪霜風雨一歲之休戚往往變故不常而人執古以御今是猶按圖而索馬也佛者依人而住彼固不足我烏得有餘以時考之則擊壤之歌當與頌聲

並作而吾老矣恨不復見今信公飢不暇食困不暇
軍如水火之求昏莫扣人之門戶可謂難矣今幸其
成如此是誠學道者成佛之基余壯其規撫嘉其志
力嘆其時之一遇遂供茲山無盡之求雖然山可夷
而川可迴而吾心不可侮吾心即佛祖天地之心也
以是臨之雖更十萬人閱數百世不可得而易也其
可廢諸信以余知其心故屬余爲記紹熙二年重陽
日橘洲老衲寶曇記

惠安院復十方禪院記

禪律均爲佛者而肝膽楚越何如家世中微爲法檀

度之人其道不能昭徹至有僥倖一遇以欺世盜名者如入元氣不勝而客邪得以憑陵彼蟻聚蜂區尊門圭竇是不如律者所舍天將假手於我而使奮除之如踐豺狼之群必爲所噬顧吾禦之之術何如耳惠安爲古禪苑中更甲之人自齟齬於其間故郡侯吏部岳公爲聞諸朝復還舊物待制紫微陳公力與振存之其徒纍纍猶有患失之舉今太守殿撰高公大卿洞視其原誅其尤無良者故浮議帖然以定自是如砥柱無復動搖矣噫天下皆佛刹也惟古今名勝地禪者得以尸之若其鞭笞象龍麾叱佛祖吾置

而不論至於鬼神呵護之所蛇豕屈蟠之域山靈水
怪草木附麗之地皆能受約束嚴規誨後身以相從
退舍以相避唯恐其後彼何修而得之如仰山化二
龍之居珪師授嶽神之戒載之傳記接之耳目可攷
而不誣也今惠安據湖山之右宮室園觀皆具體而
微鍵稚鼓鐘一新於前日住持性公從吾先太慧游
久矣徧見方外老宿晚嗣別峯印公昔與余同門今
猶子也適當籍籍紛紛之日不動聲氣能致王公太
人爲金城湯池余將見其修大吾宗不獨一惠安也
性公名宗性蜀之遂寧人住山今三年求余文識之

以示來者若夫荆院顛末叢林成規請自今始紹熙三年七月休夏日橘洲老衲寶曇記

寶雲院長生庫記

祖師自鷄林來首訪螺溪盡得天台之道復欲航海太師錢公固留之使者顧公亦舍其室爲師傳道受業之所故法智慈雲二大士從是出焉今寶雲之居邦人目爲通師翁道場是也其間廢興相襲不得而詳住持瑩公坐席未溫首斂巾盂以估於衆得錢一十萬內外道俗又得錢十萬太師魏國史公捐國太夫人簪珥以施之合爲利益長生庫以備歲時土木

鐘鼓無窮之須後五年建大講堂半取其贏以助工役實其志也瑩公性質直而御衆以寬實雲初歸有侈心者輒起重輕之議至有僧吏怙權以撓之權虎而冠傍人爲震慄而瑩自若也太師魏公知之至是則人皆悅服余聞吾佛捐軀以求道無一芥子許地空無佛身至空劫塵積之初所謂草樹巖崖成道利生之所率先成就此豈智術所能致哉今寶雲庥焰之餘才一甲子而氣象復還舊觀此瑩之心與昔人願輟俱馳而不忘也後世因循苟且之事瑩耻而不爲如石之堅如地之載其所植立如此故余不得不

書瑩嗣東堂元惠師名宗瑩云年月日橘洲老衲記

大悲閣記

大士因心而有聞其始亡心也因聞而洞證其次遺聞也因證而成正覺然後忘證也遺與忘一也如見與色忘聞與聲忘身與覺忘意與知忘均是忘也而眼得之國土山河草芥个畜一俱了無此色無它色如臨鏡中如見面像如千日並照無色而不燭也耳得之水鳥樹林竿磬琴瑟一應俱了無一響無餘響如入空谷如擊鍾簫如萬竅皆作無響而不應也身得之衣被濯磨冠履服業一體俱了無是觸無非

觸如薰_二衆香_一如食_二好蜜_一如卧_二衆寶_一竄無觸而不應也
意得之_二天人梵魔心意事業_一一念俱了無_二一法無多_一
法如隨色摩尼如海印三昧如暗室無盡燈無法而
不見也是忘也雖見聞覺知亦莫知其然也世人足
適_二忘履腰適忘帶_一彼猶有所適也見聞覺知不能學
波羅密亦不能學佛功德而猶成此不思議事况真
不思議清淨圓明者哉故能一身現無量身無量身
復現一身凡諸菩薩所能我悉能是其中一首三首
乃至八萬四千燦迦羅首二臂四臂乃至八萬四千
母陀羅臂二目三目乃至八萬四千清淨寶目其數

與衆生業等、塵勞等、亦與菩薩行等、總持等、心數無量、而大士首目與臂、亦復無量、在昔佛海菩薩海所未曾有也、方其用時、則心與臂忘、臂與目忘、目與手忘、千臂執持無異、兩臂之習、千目照曜無異、兩目之鑒、千首屹立無異、一首之獨、此首殊特如敷、百千優曇鉢花、此臂光明如煥、百千閻浮檀聚、此目精瑩如現、百千帝青寶海、自此以往、心計路絕、言語道斷、唯佛與佛乃能知之、然吾嘗目跡一身所有髮毛、其數適有八萬四千、不衡不從、不壞不雜、亦各有道耳、彼固不自用也、而吾用之、與無用同大、而至於眼鼻舌

身其拙於轉圓左右前後未嘗不得一而忘一也大
抵地水火風之合其間已有能有不能以衆生之身
而況菩薩之身不啻秦人之視越人之肥瘠亦有間
矣忠州報恩光孝禪寺舊有傑閣中安千手眼大悲
像長老可真來主寺事屬余西歸過之可真炷香言
曰真無消埃之力於閣跡大士有媿公爲我畧言莊
嚴幻事直叙大悲變現本末以開惑者之聽以慰邦
人之心則真之功不在土木下余欣然爲記之後說得
云

稽首清淨心

譬如淨蒲月

丁身千手眼

一月千水同

方心與手忘

丁臂各千目

一月大千界

此月所不如

河海泉池中

見月百千萬

月不離本處

千月同現前

一身一月真

千臂千目是

月不可思議

首目亦復然

隨諸衆生心

應用日千變

所遇無不執

所執無棄捐

一手千萬殊

千手一無異

亦不離是手

拔濟諸衆生

衆生世界空

佛刹海亦盡

此千億手眼

如兩臂目初

一身亦無身

無心亦如是

如是亦不立

方名觀世音

稽首觀世音

第一義如是

卷終